



UNIVERSITÄTS-
BIBLIOTHEK
PADERBORN

**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 16. A Leone X. amplissimis decretis ornatur.

[urn:nbn:de:hbz:466:1-64112](#)

retana Aede amplificanda nemini cederet. Et huiusc studij sui declarandi præclaram illi Deus materiam, inter primum Pontificatus rudimentum dedit. Per ea quippe tempora Lauretanæ Religionis, ac celebritatis fama Neapolim perlata duas Ioannas Aragonias, seniorē, & iuniorē (Reginas Neapolitanas, quia regia stirpe genitæ erant, vulgus appellabat) ad templum miraculis maximè inclytum visendum accendit. Itaque magnifico sane comitatu Neapolitani Regni interiora penetrates, per Samnites in Picenum transeunt, ingenti populorum, quacumque transibant, gratulatione cultuque exceptæ. Quo tempore Leonis præcipue magnificentia enituit. In omnibus Pontificiæ ditionis oppidis, quæ erant in via, Reginas regio apparatu excipi iussit, non tam illarum cultui, quam Lauretanæ Virginis celebritati fauens. Cumulatissimam insuper delictorum veniam, & ipsis Reginis, & cæteris Lauretum ad illarum aduentum occurrentibus, eodemque die Lauretanam Aedem rite venerantibus imperitiuit. Annus huius seculi quartus decimus Reginarum aduentu insignis perhibetur. Et exstat in Piceno celebre eius rei monumentum. Fama est per eam occasionem in agro Montis Sancti (oppidum id est Lauretum inter, & Firmum) viam illam pulcherrimam esse stratam, quæ hodieque via Reginarum vocatur, ab his videlicet Reginis olim appellata, in quarum gratiam sternetur.

A Leone X. amplissimis decretis ornatur.

Cap. X V I.

Leonis X.
beneficia.

EX in Leo cunctas Iulij Secundi, superiorumque Pontificum Indulgentias, immunitates, beneficia Lauretanæ Domui tributa luculento diplomate rata esse iusfit: ac deinceps alijs super alia diplomatis impense cumulauit. Lauretanam quippe Ecclesiam Collegiatam instituit:

tuit: sigillo cæterisque collegialibus insignibus ei attributis. Duodenos inibi Canonicos (ex quorum numero Archipresbyter, & almæ Domus Custos forent) totidemque Sacerdotes assiduos, quos Mansionarios vocant: senos præterea Clericos chori adiutores esse voluit. Sui, cuique anni reditus pro rata portione assignati. Omnes porrò Indulgentias, quibus in templorum stationibus Roma perficitur, Lauretanæ concessit Aedi, ut ijsdem temporibus Laureti percipere aduenæ possent in vna æde, quæ Romæ perciperentur in pluribus. Pretium operæ visum est, honorarium diplomatici procœmum inferere. *Cum nos memoria repetimus grandia, ac ferè innumerabilia continua miracula, quæ apud Ecclesiam de Laureto multis Christi fidelibus pro varijs infortunijs, & necessitatibus ubique oppressis, qui ad Ecclesiam ipsam de Laureto sola animi moderatione confidunt, intercessione dictæ glorioissime Virginis, illius unigenitus operatur Altissimus; dignum ducimus, atque debitum, eandem Ecclesiam de Laureto non solum in antiquis concessiōnum gratijs souere, & conseruare illasam; verum nouis in dies prærogatiuarum muneribus, largitionibus, compendysque decorare.* Inde Anconitano, Pisauensi, alijsque autumnalibus finitimorum oppidorum mercatibus abrogatis, Recineti dumtaxat Septembri mense (ornando scilicet diei natali B. Mariæ) celebrari emporium iussit. Ad hæc Recinetensis emporij, immunitatumque nuntiis ad barbaras quoque nationes, non tantum ad Christianos populos circummissis, euocauit vndique mercium insitores. Ergo gentium, generumque omnium mercatores hac fama exciti, Recinetum ad indictum mercatum confluunt, Itali, Dalmatæ, Germani, Flandri, Græci, Armenij, Iudæi denique Hispania nuper expulsi, Turcæque. Institorum ergo complures cuiusque generis, seu religione, seu miraculo loci (& vicinitas inuitabat) ad Lauretanam Academ venisse constat: nec quenquam aditu prohibitum, præter obstinatos in auita superstitione, Turcas, Iudæos, que,

Leonis X.
testimoniū.

que , ne videlicet projicerentur margaritæ ante porcos . Græcos vero , & Armenios (tametsi plerique eorū schismati ci essent) religione erga B. Virginem cum Latinis certasse accepimus : plures eorum detractis in ipso tempore aditu sibi calceis , manibus & oculis sublatis in cœlum , ad sacrosanctam accessisse Domum : quo ubi ventum esset ; ad limen procubuisse venerabundos : ibique prostratis humili corporibus , Deum Deique parentem adorasse , demum ad conspectum Virginis , aramque adrepississe genibus , Iesu Mariæque nomina enixe inuocantes . Hæc porro Recinetensis mercatus à Leone instituta celebritas plurimos deinceps durauit annos , ingenti cum Lauretanæ celebrifatis incremento . At Leo ne quam Lauretani cultus amplificandi omittaret viam , ad ultimum sanxit , ne vota adeundæ S. Mariae Lauretanæ ullo modo possent cum alijs pietatis operibus commutari . Proinde votum hoc quinque illis vulgo excipi solitis aggregauit . Et est diploma honorario proœmio insigniter ornatum : quod quia est ad Lauretanæ Virginis laudem insigne , attexere placuit . Gloriosissimæ Virginis Matris Dei Mariae , à cuius laudibus sicut neminem cessare fas est , ita ad illas explendas neminem sufficere arbitramur . Cum si quidem nullum promptius miseris , aut efficacius peccatoribus refugium apud Deum inueniatur , merito totius animi , mentisque affectibus recolentes illam in cœlis primum adorandam , deinde ubique in terris venerandam , & loca eius nomini dicata omni studio ornanda esse censemus , & illa maxime , quæ ipsa B. Virgo sibi angelicis comitata cœtibus elegit , & assidue in eis ad Christi fidelium auxilium , & subleuationem miracula fere innumera operatur . Inter quæ omnium consensu testimonio , ac deuotione locus ille Lauretanus fama celebris , ac deuotorum frequentia cultissimus meritò habetur primus . Cum enim Beatissima Virgo (ut fide dignorum comprobatum est testimonio) è Nazaret imaginè , & cubiculū suum dinino nutu trasferens , postquam apud Flumen Dalmatiæ oppidum primo , & deinde in agro Recanatensi in loco nemoroſo , ac rursus quodam in cole eius -

Leonis x. te-
timoniū al-
terum .

le eiusdem agri particularibus personis addic^to posuit. Demum in via publica ubi modo consistit illud angelicis manibus collo- cando sibi delegit, & in eo assidue miracula innumera illius me- ritis operatur Altissimus. Ob quod complures Romani Pontifi- ces prædecessores nostri, & præcipue fel. Recor. Paul. II. Syxtus IV. & Iulius II. Sacratissima Virginis merito deuotissimi, quo populum Christianum omnipotenti Deo, & Virgini Matri red- derent acceptabilem, Ecclesiam Lauretanam, quæ tanto mi- raculo creuerat, & augetur in dies varijs, ac præcipue spiritua- libus decorarunt muneribus. Et cætera, quæ sequuntur.

Egregijs ornamentis, donisque decoratur.

Cap. XVII.

NEC Apostolicis litteris magis Lauretanam Aedem Leo Pontifex, quam Pontificijs opibus auctam vo- luit. Interim ab eo templi, Domusque Lauretanæ ædifi- cia strenue adiuta. Bina templi sacraria circundatis seg- mentato opere armarijs adornata. Inde ad ipsam sacro- sandam cellam honestandā conuertit animum. Ac sacros quidem parietes intrinsecus ornandos ratus non est, ne quid in eis ornati esset præter ipsos, quos Christi ac B. Virginis habitatio, contactusque satis superque adorna- rant. Cæterum intentus facello extrinsecus magnifice exornando (& materies ad id nuper ab Iulio præparata sti- mulabat) eam ornatus amplitudinem concepit animo, quæ digna Deipara Virgine, digna Romano Pontifice Christi Vicario, digna ipsius loci maiestate religioneque, quoad paterentur humanæ opes, foret. Ergo Sansouino Architecto simul ac statuario illis temporibus nobilissi- mo, formæ describendæ negotium dat monito quid sui consilij sit. Sibi vtique esse in animo tale moliri opus, quod in parua mole, omnem illius seculi magnificentiam vinceret. Nec defuit regio Pontificis animo sapientissi-

Leonis x. or-
namenta 4.

M mi ar-